

Ժողովուրդ

42
(2708)

23 մարտի հինգշաբթի 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՄԻ՛ ՓՈՐՁԵՔ ԳՐԱՔՆՆԵՆԵՆԸ ՄԵՋ



Աժ աշխատակազմի ղեկավար Դավիթ Առաքելյանը երկարաշունչ մեջբերումներով մի գրություն է երեկ հասցեագրել «Ժողովուրդ» թերթի խմբագրություն եւ «Նախագուշացում հայտարարել» Քնար Մանուկյանին: Բանն այն է, որ Մանուկյանը մի հրապարակում էր արել, թե ինչպես են Աժ շենքի պահպանությունն իրականացնող աշխատակիցները հավաքվել Աժ դահլիճի դռան մոտ, երբ լսել են պատգամավորների գոռոցները, որպեսզի դահլիճ մտնեն, երբ նախագահողը հրահանգի:

Աշխատակազմի ղեկավարը գրել է, թե այս հրապարակումով Քնար Մանուկյանը խախտել է ՀՀ Աժ 2017 թ. դեկտեմբերի 27-ի, Աժ խորհրդի 2019 թվականի, Աժ նախագահի որոշումները: Ի պատասխան Աժ աշխատակազմի նորաթուխ ղեկավարին՝ ընդգծում ենք, որ երեկ «Ժողովուրդ» թերթի խմբագրություն հասցեագրված գրությամբ Դավիթ Առաքելյանը խախտել է ՀՀ Աժ-ում լրագրողների հավատարմագրման կարգի 23-րդ կետը, այն է՝ «23. Ազգային ժողովը եւ Աշխատակազմը՝ 1) որեւէ ձեռով կամ եղանակով չեն կարող գրաքննություն իրականացնել լրագրողի մասնագիտական գործունեության նկատմամբ: 2) հավատարմագրված բոլոր լրագրողների համար ապահովում են ոչ խտրական պայմաններ: 3) չեն կարող խոչընդոտել լրագրողի օրինական գործունեությանը»:

ՀՀ աշխատակազմի ղեկավարն իր գործունեությամբ փորձել է գրաքննել «Ժողովուրդ» օրաթերթի ներկայացուցչին, քանի որ, նախ, Քնար Մանուկյանին գանգահարել են լրատվական ծառայությունից եւ պահանջել ջնջել հրապարակված նյութը եւ ստանալով մերժում ուղարկել են նախագուշակական մի գրություն: Դավիթ Առաքելյանը որեւէ իրավունքով չի կարող Աժ-ում հավատարմագրված լրագրողին արգելել լուսաբանելու Աժ-ում տեղի ունեցող զարգացումները, գրաքննել լրագրողին, ցուցաբերել խտրական մոտեցում: Կհիշե՞ք՝ Աժ աշխատակազմը կամ լրատվական ծառայությունը անվտանգության աշխատակիցների մասնագիտական գործունեության արգելվող լուսաբանման մասով նախկինում ակտիվությամբ աչքի չի ընկել: Երբ Աժ դահլիճում անվտանգության աշխատակիցները կին պատգամավորի նկատմամբ բռնություն էին գործադրում, քաջքշում էին տղամարդ պատգամավորներին, ու բոլոր տեսանյութերը կան, որեւէ լրատվամիջոց կամ լրագրող նկատողություն չի ստացել Աժ աշխատակազմի կողմից: «Ժողովուրդ» օրաթերթի խմբագրությունը հորդորում է Աժ աշխատակազմին օրինազանցությամբ եւ պաշտոնական դիրքի չարաշահմամբ աչքի չընկնել եւ չփորձել գրաքննել «Ժողովուրդ» օրաթերթին: Չի հաջողվել, չի հաջողվել եւ չի հաջողվելու: Մենք իրադարձությունները լուսաբանում ենք օբյեկտիվորեն:

Հ. Գ. Հիշեցնում, որ Freedom House միջազգային իրավապաշտպան հեղինակավոր կազմակերպությունն իր գնահատականում ֆինանսական տրայբլի, որ Ազգային ժողովում լրագրողի ճեղքաբեր սահմանափակում է, եւ դա համարվել է հեջրեթ:

Այսօր Արցախի խորհրդարանը լիազորված նիստում կքննարկի Արայիկ Զարոբյանյանի նախաձեռնած Սահմանադրական բարեփոխումների նախագիծը: Առաջարկվող փոփոխությունների համաձայն՝ ֆորմալորային իրավիճակներում, երբ, օրինակ, նախագահը անսպասելի հրաժարական է տալիս, մահանում է կամ, ինչ-ինչ հանգամանքներից ելնելով, այլեւս ի վիճակի չէ պաշտոնավարել, նախագահ ընտրելու լիազորություն կտրվի խորհրդարանին: Սա, ընդգծենք, չի վերաբերում նախագահի հերթական ընտրություններին. այս դեպքում նախագահին Սահմանադրությամբ նախատեսված կարգով ընտրելու է Ժողովուրդը: Արցախի Աժ պետաիրավական հանձնաժողովը երեկ դրական եզրակացություն տվեց նախագծին: Այսպիսով, Սահմանադրական բարեփոխումների նախագիծն այսօր արդեն երկրորդ ընթացքում կքննարկվի, քվեարկություն, սակայն, այսօր չի լինի: Քննարկման ժամանակ պատգամավորները իրենց առաջարկները կներկայացնեն՝ նախագծի հետ կապված, որից հետո այն կգնա Գերագույն դատարան: Դատարանը 10-օրից մինչեւ 6-ամսյա ժամկետում իր եզրակացությունը կներկայացնի՝ նախագծի հետ կապված, որից հետո նորից այն կվերադառնա խորհրդարան եւ արդեն քվեարկության կդրվի: Նշենք, որ Սահմանադրական փոփոխությունների նախագիծը կարող է ընդունվել պատգամավորների ընդհանուր թվի 2/3-ով (22 պատգամավոր):



«Ժողովուրդ» օրաթերթի տեղեկությունների համաձայն՝ Երեան քաղաքի դատարանը մի քանի անգամ ծանուցում է ուղարկել Աժ ԶԴ խմբակցության պատգամավոր Սիսակ Գաբրիելյանին ներկայանալու իր գործով դատական նիստերին, սակայն իշխանական պատգամավորը չի ներկայացել եւ պատճառաբանել է, թե ծանուցում չի ստացել: Դատական համակարգը որոշել է Գաբրիելյանին ծանուցում ուղարկել ՀՀ Ազգային ժողովի միջոցով, որպեսզի նա ներկայանա դատարան: Իսկ ի՞նչ գործով պետք է Սիսակ Գաբրիելյանը ներկայանա Երեան քաղաքի դատարան: Բանն այն է, որ «Հայաստան» խմբակցության պատգամավոր, Արագածոտնի նախկին մարզպետ Աշոտ Սիմոնյանին մեղադրանք է առաջարկվել, որ նա, մասնակցելով 2020 թվականի դեկտեմբերի 28-ին՝ ժամը 09:00-ից մինչեւ 11:30-ն ընկած ժամանակահատվածում Երեան քաղաքի Դեմիրճյան փողոցում ՀՀ Ազգային ժողովի մոտ, Ազգային ժողովի բնականոն աշխատանքի խոչընդոտման նպատակով անցկացվող հավաքին, խոչընդոտել է աշխատանքի վայր ժամանող Աժ պատգամավոր Սիսակ Գաբրիելյանի երթևեկը, հնչեցրել անպարկեշտ արտահայտություններ: «Պատգամավորը փորձել է խուսափել կոնֆլիկտից եւ առաջարկել է բացել ճանապարհ, սակայն հավաքի մասնակիցներից չպարզված անձը Գաբրիելյանին վիճաբանության մեջ ներքաշելու նպատակով հարվածել է նրա ավտոմեքենային: Վիճաբանություն է սկսվել պատգամավորի ու հավաքի մասնակիցների միջև, որի ընթացքում Աշոտ Սիմոնյանը հնչեցրել է սեռական բնույթի հայտարարություններ, հավկիթներով հարվածել Գաբրիելյանին, քաջքշել եւ եւ այլն»: Այս գործը դատարանում է, եւ այն քննում է ԲԴԽ անդամ Սերգեյ Չիչոյանի եղբորորդին՝ Ժորա Չիչոյանը, որի ծանուցումները եւս պատգամավոր Գաբրիելյանը անտեսում է: Երեկ «Ժողովուրդ» օրաթերթը գրուցեց Սիսակ Գաբրիելյանի հետ՝ հասկանալու համար, թե նա, ի վերջո, ներկայանալու է արդյոք դատարան, կատարելու է դատարանի որոշումը, թե էլի «ծանուցում չի ստացել»: «Չգիտեմ՝ ինչ գործի մասին եք ասում: Ծանուցում ստացել եմ, բայց այս անգամ էլ չեմ գնա, քանի որ երկրում չեմ լինելու: Միացյալ Նահանգներ եմ մեկնում»:



Հ 3 պետեկամուտների կոմիտեի նախկին նախագահ Գագիկ Խաչատրյանը երեկ դատարան չի ներկայացել: Դատավորը բացել է նիստը եւ փակել: «Ժողովուրդ» օրաթերթը տեղեկացավ, որ Խաչատրյանի առողջական վիճակը վատ է. դա է պատճառը, որ դատարան չի ներկայացել: Ինչպես հայտնի է, հունվարի 18-ին Գագիկ Խաչատրյանին դատարանը թույլատրել էր մեկնել արտերկիր բուժման նպատակով: Նա 2023 թվականի հունվարի 20-ից մինչեւ փետրվարի 10-ը բացակայել էր երկրից, եւ չնայած մեղադրող դատախազը դեմ էր՝ մտավախություն հայտնելով, որ Խաչատրյանը Հայաստան չի վերադառնա, այնուամենայնիվ, Խաչատրյանը գնաց եւ հետ եկավ: Ինչպես հայտնի է, Գագիկ Խաչատրյանին մեղադրանք է առաջադրված միլիոնավոր դոլարների չարաշահման, կաշառք վերցնելու եւ փողերի վաճառման համար: Խոսքը 41 միլիոն դոլարի մասին է: Գլխավոր դատախազությունը Խաչատրյանին մեղադրում է նաեւ ապօրինի ճանապարհով հարստանալու համար: Գագիկ Խաչատրյանից եւ նրան փոխկապակցված 20-ից ավելի անձանցից բռնագանձման ենթակա է 210 անշարժ գույք, որից 60-ը՝ Երեան քաղաքում: Բացի այդ, դատախազությունը պահանջում է բռնագանձել 14 տրանսպորտային միջոց, մասնակցություն իրավաբանական անձ հանդիսացող 33 կազմակերպությունում, նաեւ ավելի քան 40 միլիարդ դրամ:



ԼԱԶԻՆԻ ՄԻՋԱՆՅՔ

ՀԱՐՑԸ ԿԱՐՈՂ Է ԼՈՒԾՎԵԼ ՄԵԿ ՃԱՆԱՊԱՐՀՈՎ

Արդեն 100 օր է՝ Արցախի Հանրապետությունը Լաչինի միջանցքի արգելափակման հետևանքով օրգանակապետության հետևանքով օրգանակապետության հետևանքով օրգանակապետության հետևանքով...



120 հազար խաղաղ բնակչությունը, այդ թվում՝ 30 հազար երեխա, գրկվել է սննդամթերքի և կենսական նշանակության այլ ապրանքների բավարար մատակարարումից: Ստեփանակերտում շարունակում են անհնալ մսալի հերթական վիրահատությունները, իսկ ծայրահեղ ծանր հիվանդները Ստեփանակերտից Երեւան են տեղափոխվում Կարմիր խաչի աջակցությամբ ու միջնորդությամբ: Արցախում առաջին անհրաժեշտության սնունդը, միզան ու բանջարեղենն էլ դեռ կտրուկներով են: Այս ընթացքում, բացի հումանիտար խնդիրներից, իրավիճակը չանցավ առանց արյան: Ադրբեջանցիների կրակոցներից մարտի 5-ին երեք ոստիկան սպանվեց, որոնք բոլորն էլ անձնագրային ու վիզաների վարչության աշխատակիցներ էին: Ստեփանակերտից պարբերաբար հաղորդում են նաև գյուղատնտեսական աշխատանքներ կատարող արցախցիների ուղղությամբ կրակոցների մասին:

սիայի. մենք դատապարտում ենք ոչ թե ադրբեջանական ժողովրդին, այլ նրա ավտորիտար բռնապետությանը, որը հումանիտար ճգնաժամ է առաջացնում հայ ժողովրդի համար: Բացվի այս ավտորիտար իշխանությունը անկախորեն աջակցում է Թուրքիան: Տարածաշրջանում հումանիտար ճգնաժամը հնարավոր է կասեցնել միայն մեկ ճանապարհով. Ադրբեջանը պետք է անհապաղ անցնի երթելակայանի և էներգամատակարարման ամբողջական վերականգնմանը: Միայն այսպես կխուսափենք տարածաշրջանում հումանիտար իրավիճակի հետագա վատթարացումից: Խաղաղ և արդյունավետ լուծում գտնելը իդեալական սցենար է այն սկզբունքների և արժեքների համար, որոնց պաշտպանում է Եվրամիությունը: Անձամբ ես տարածաշրջանում տիրող իրավիճակի մասին տեղեկացված լինելուն պես քայլեր ձեռնարկեցի՝ գրավոր հարց ներկայացնելով Եվրահանձնաժողովին: Հարցի միջոցով խնդրել եմ հանձնաժողովի անհապաղ միջամտությունը՝ երթելակայանի և էներգամատակարարման լիարժեք վերականգնման նպատակով: Անհրաժեշտ է, որ բոլոր իրենց ապահով զգան, եւ բոլոր ներգրավվածների միջեւ երկխոսություն լինի, որպեսզի ապահովվի խաղաղություն և կայունություն ողջ տարածաշրջանում:

ՔՆՆԱՐԿՈՒՄ ԷՐՆ

Մինչ երեկ 33 ԱԺ-ում քննարկում էին ՍԴ դատավոր Սեդա Սաֆարյանի լիազորությունները դադարեցնելու հարցը, եւ ընդամենը 30 պատգամավոր կողմ եղավ, որ Սաֆարյանի լիազորությունները դադարեցվեն, ՍԴ-ում դատավորները այլ գործով են զբաղված եղել: Նրանք պատրաստվել են ուրբաթ օրը կայանալիք նիստին: Իսկ ի՞նչ նիստի մասին է խոսքը: Ինչպես հայտնի է, 33 կառավարություն անցյալ տարեվերջին դիմել էր ՍԴ ու խնդրել պարզել, թե 1998 թվականին ստորագրված, բայց այդպես էլ չվավերացված Միջազգային քրեական դատարանի 3-րդ կանոնադրությունը հակասություն ունի արդյոք Հայաստանի Սահմանադրության հետ, թե ոչ: Բանն այն է, որ միջազգային պայմանագրերը, որոնք ենթակա են վավերացման Ազգային ժողովի կողմից, Հայաստանում պարտադիր սահմանադրական վերահսկողություն պիտի անցնեն: Դա նշանակում է, որ կառավարությունը դիմում է այդ պայմանագրում ամրագրված պարտավորությունների սահմանադրականության ստուգման հարցով Սահմանադրական դատարան: Սահմանադրական դատարանը որոշում է՝ համապատասխանում են արդյոք ստանձնած պարտավորությունները Սահմանադրությանը, թե ոչ: Ասել է թե՛ ՍԴ-ն խառն է եղել՝ այս գործով նիստին պատրաստվելով, սակայն ավելի ուշ ծանոթացել են ԱԺ քննարկման արդյունքին ու հասկացել, որ ԱԺ-ն գնդակ գցեց իրենց դաշտ, ու հիմա հերթը իրենց որոշելունն է՝ կարգապահական վարույթ կհարուցեն, թե ոչ: Հի բացառվում դատավորները հավաքվեն ու որոշում կայացնեն՝ ինչ պետք է անել ներքին օրինախախտ դատավոր Սաֆարյանին, թե պատժել, որ մյուսներն էլ զգաստանան: Հավելենք, որ Սեդա Սաֆարյանը ինքնախոստովանել է, որ անթույլատրելի արարք է թույլ տվել, որը հավաստող փաստաթուղթը «Ժողովուրդ» օրաթերթը հրատարակել էր: էջ 3

ՄԻՊ ԹԵԿՆԱԾՈՒ

Ինչպես արդեն հայտնի է, «Քաղաքացիական պայմանագիր» խմբակցությունը Մարդու իրավունքների պաշտպանի թափուր պաշտոնում կառավարողի գլխավոր դատախազի տեղակալ Մանսիտ Մանասյանի թեկնածությունը: Իսկ ի՞նչ է պատրաստվում անել խորհրդարանական ընտրությունը: «Միսիս» այլընտրանքային հասարակական-քաղաքական շարժումը մարտի 17-ին նամակագրությամբ դիմել էր խորհրդարանական բոլոր, այդ թվում ընդդիմադիր խմբակցություններին՝ առաջարկելով 33 մարդու իրավունքների պաշտպանի պաշտոնում առաջադրել հասարակական գործիչ, Սահմանադրական դատարանի աշխատակազմի նախկին ղեկավար Էդգար Ղազարյանի թեկնածությունը: «Ժողովուրդ» օրաթերթը դիմել է «Հայաստան» ու «Պատիվ ունեմ» խմբակցություններին՝ պարզելու՝ ինչ որոշում ունեն ՄԻՊ թեկնածու առաջադրելու մասով: Հետաքրքրվեցինք նաև՝ քննարկել են արդյոք Էդգար Ղազարյանի թեկնածությունը, հնարավոր է՝ նրան առաջադրեն՝ որպես միասնական թեկնածու: «Եւ առաջին, եւ երկրորդ հարցի մասով կարող եմ արձանագրել, որ այս պահին քննարկումները շարունակվում են, սակայն որոշում դեռ կայացված չէ»,- մեր հարցին ի պատասխան՝ ասաց «Հայաստան» խմբակցության պատգամավոր Ազնեսա Խամոյանը: «Պատիվ ունեմ» խմբակցությունում եւս ՄԻՊ թեկնածուի մասով քննարկումներ կան: «Երկու հարցերն էլ քննարկվում են, բայց դեռ որոշում չկա»,- ասաց ֆրակցիայի ղեկավար Հայկ Մամիջանյանը: Հիշեցնենք, որ ՄԻՊ պաշտոնը թափուր է գրեթե երեք ամիս: Ըստ «ԱԺ կանոնակարգ» օրենքի՝ պաշտոնը թափուր մնալուց հետո՝ եռամսյա ժամկետում, նոր ՄԻՊ պետք է ընտրվի: Մարդու իրավունքների պաշտպանին խորհրդարանն ընտրում է փակ զաղտնի քվեարկությամբ: Եթե նույնիսկ ընտրվում էր դեմ լինի գլխավոր դատախազի տեղակալ Մանասյանի թեկնածությունը, իշխող խմբակցության ծայրերը բավարար կլինեն իրենց թեկնածուին ընտրելու համար:

ՂԵԿԱՎԱՐՆԵՐԻ ՀԵՏ

ԱՄՆ ՊԵՏՔԱՐՏՈՒՂԱՐԸ ԿՐԿԻՆ ԶՐՈՒՑԵԼ Է

ԱՄՆ ղեկավարող Էնթոնի Բլինկենը երեկ և այսօր հեռախոսագրույց է ունեցել ՀՀ վարչապետ Նիկոլ Փաշինյանի և Ադրբեջանի նախագահ Իլհամ Ալիևի հետ: Պաշտոնական հարաբերության համաձայն՝ Նիկոլ Փաշինյանը և Էնթոնի Բլինկենը մտերմ փոխանակել Հայաստան-Ադրբեջան հարաբերությունների կարգավորման, սահմանափակում հաղորդակցության ուղիների բացման հեռանկարների օրոք:

Հեռախոսագրույցի մասին իր թվիթերյան էջում հայտնել է նաև Էնթոնի Բլինկենը՝ նշելով, որ «Հարավային Կովկասում խաղաղության միակ ճանապարհը դիվանագիտությունն է»:

Իսկ, ահա, Ադրբեջանի նախագահը Միացյալ Նահանգների պետքարտուղարի հետ հեռախոսագրույցում դարձյալ ընդգծել է Լաչինի միջանցքում անցակետ տեղադրելու անհրաժեշտությունը՝ պատճառաբանելով, թե հայկական կողմը շարունակում է ռազմական փոխադրումները Ղարաբաղ:

Իլհամ Ալիևն ասել է, որ պատրաստ է մոտ ապագայում ստորագրել խաղաղության համաձայնագիր, որի տեքստը վերջին առաջարկություններով և փոփոխություններով արդեն ներկայացվել է հայկական կողմին:

Պետդեպարտամենտը հաղորդում է, որ Բլինկենն է զանգահարել Ալիևին: Ըստ հաղորդագրության՝ պետքարտուղարն առաջարկել է ԱՄՆ-ի շարունակական աջակցությունը Հայաստանի հետ երկկողմ խաղաղ քննարկումներին նպաստելու գործում, ընդգծել, որ չկա ռազմական լուծում, եւ կարելու է Լաչինի միջանցքի վերաբացումը:

Ադրբեջանի պաշտպանության նախարարությունը երեկ երեկոյան դարձյալ պնդել էր, թե օգտագործելով այլընտրանքային գրունտային ճանապարհները՝ Հայաստանից դեպի Ղարաբաղ ռազմական բեռնափոխադրումները շարունակվում են, այդ նպատակով օգտագործվում են նաև քաղաքացիական մեքենաները:

Նյույթերը՝ ՆԱԻՈՒ 30ԿԿՆՆՆԻՍՅԱՆԻ

ՉԱՆՑԱԿ

ԱԶԳԱՅԻՆ ԺՈՂՈՎԸ ՉԻ ԴԻՄԻ ՄԳ

ԿՈՒՏԱԿՈՒՄՆԵՐ՝ ՄԱՀՄԱՆԻՆ

Ինչպես Հայաստանում, այնպես էլ Արցախում շփման գծի ողջ երկայնքով նկատվում է ադրբեջանական զինուժի, ծանր տեխնիկայի տեղաշարժ. սահմանամերձ բնակավայրերի բնակիչների համար է անգամ այն տեսանելի: Այս մասին դեռ մեկ շաբաթ առաջ ահազանգեց ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թագուհի Թովմասյանը: Պատգամավորը նաեւ գրություններ էր ուղարկել միջազգային բոլոր գործընկերներին:

«Ինքս ամեն օր կապի մեջ եմ սահմանամերձ գյուղի բնակիչների, զինվորականների հետ, որոնք ահազանգում են այն, ինչ տեսնում են, եւ այն շարժը, որ տեսել էին, ինձ ահազանգեցին: Ինքս անհրաժեշտ համարեցի այդ ահազանգի մասին դիմել իմ միջազգային գործընկերներին, որպեսզի հնարավորինս հնարավորություն ունենանք կանխարգելելու հնարավոր էսկալացիան: Հասկանում ենք՝ եթե թշնամին զինտեխնիկա է կուտակում, դա չի արվում սիրողական մակարդակի համար, այլ որեւէ գործողության համար է արվում:

Ահազանգերը ստացել եմ Գեղարքունիքից, Տավուշից եւ Արցախից: Երբ ասում եմ՝ Գեղարքունիք, նկատի ունեմ այդ ամբողջ սահմանը՝ Գեղարքունիքից մինչեւ Վայոց ձոր», - ԱԺ-ում լրագրողների հետ զրույցում տեղեկացրել էր Թագուհի Թովմասյանը:

Երեկ արդեն ադրբեջանական տելեգրամյան ալիքներն են տեսանյութեր հրապարակել դեպի Հայաստանի եւ Արցախի սահման զինտեխնիկայի տեղաշարժով: Ըստ տարածվող տեսանյութերի՝ մեծ քանակությամբ հաուբիցներ եւ ծանր հրետանի են տեղափոխվում սահման:

ԱԶԳԱԿԱՆԸ՝ ՊԱՇՏՈՆԻՆ

Գյումրու ավազանին մարտի 15-ի նիստի ժամանակ 21 կողմ, 4 դեմ եւ 3 ձեռնպահ ձայների հարաբերակցությամբ փոխքաղաքապետ ընտրեց Վահագն Սկրտչյանին: Վերջինս քաղաքական անցյալ չունի, մասնագիտությամբ ատամնաբույժ է: Նա ՀՀ վարչապետ Նիկոլ Փաշինյանի տիկնոջ՝ Աննա Հակոբյանի ազգականն է:

ArmLur.am-ը Գյումրու նախկին փոխքաղաքապետ Դավիթ Առուշանյանից, որն այժմ ԶՊ խմբակցության պատգամավոր է, հետաքրքրվեց՝ ինչպես է վերաբերվում Սկրտչյանի նշանակմանը, արդյոք միայն վարչապետի տիկնոջ ազգական լինելն է նպաստել, որ հենց նա ընտրվի փոխքաղաքապետ. «Հայաստանը փոքր երկիր է. որ այսպես գնա, բոլորս էլ մեկս մեկիս բարեկամ ենք դուրս գալու: Այդ հանգամանքը որեւէ նշանակություն չի ունեցել», - այսպես արձագանքեց պատգամավորը:

Ազգային ժողովը չի դիմի Սահմանադրական դատարան ՄԳ դատավոր Սեդա Սաֆարյանի լիազորությունները դադարեցնելու հարցով. Սաֆարյանին վերաբերող «Հայաստան» խմբակցության որոշման նախագիծը բավարար ձայներ չհավաքեց, իշխանությունները չմասնակցեցին փեարկությանը:

Անցած տարի իշխանական խմբակցության ձայներով Սահմանադրական դատարանի դատավոր ընտրված Սաֆարյանը, ըստ ընդդիմության եւ մի խումբ փաստաբանների, զբաղվել է բարձր դատարանի դատավորի պաշտոնի հետ անհամատեղելի գործունեությամբ՝ ձեռնարկատիրությամբ: Այս հարցն ի հայտ եկավ, երբ փետրվարի սկզբին որոշ լրատվամիջոցներ գրեցին, թե Սաֆարյանը դատավորի լիազորությունները ստանձնելուց հետո փաստաբանական դիմում է ներկայացրել Վերաքննիչ դատարան:

Փաստաբանները տարբեր ապացույցներ են ներկայացրել, եւ, նրանց համոզմամբ, դրանք ապացուցում են, որ Սահմանադրական դատարանի (ՄԴ) նորընտիր դատավոր Սեդա Սաֆարյանը պետք է պաշտոնանկ արվի: Ըստ այդ տվյալների՝ Սահմանադրական դատարանի դատավոր դառնալուց հետո՝ ավելի քան մեկ ամիս, Սաֆարյանը պետաբեզոստում ունեցել է անհատ ձեռներեցի կարգավիճակ, ինչն անհամատեղելի է դատավորի գործունեության հետ:

«Սա հենց այն քաղվածքն է՝ ստացված պետական ռեզիստից, որն ունի ընդհանուր բազային տեղեկատվություն որպես անհատ ձեռնարկատեր Սեդա Սաֆարյան Սերյոժայի տվյալների մասին, որով նա իրականացրել է իր փաստաբանական հատուցելի գործունեությունը օրենքի համապատասխան լինելու համար: Օրինակ՝ հարկ վճարելու, հաշվառվելու, պետական մարմինների հետ հարաբերվելու համար արդեն որպես ոչ թե փաստաբան, այլ որպես ձեռնարկատեր, որպես շահույթ հետապնդող անձ», - ներկայացրել էր փաստաբան Սոս Հակոբյանը:

Սահմանադրականի նորընտիր դատավորը քննադատության թիրախում հայտնվեց շաբաթներ առաջ, երբ համացանցում հայտնվեց դեկտեմբերի 28-ով թվագրված վերաքննիչ մի բողոք՝ հենց նրա՝ Սեդա Սաֆարյանի ստորագրությամբ: Այդ ժամանակ Սաֆարյանն արդեն ստանձնել էր Սահմանադրական դատարանի դատավորի լիազորությունները, ինչից հետո,



Ըստ օրենքի, իրավունք չունեի զբաղվելու փաստաբանությամբ:

Ինքը՝ Սաֆարյանը, չի հերքում, որ այդ դիմումն իսկական է, ստորագրությունն էլ՝ իրենը: Պատճառաբանում է, թե այդ օրը ընդամենը խմբագրել է նորից է ներկայացրել միջնորդությունը, որը գրել էր փաստաբան եղած ժամանակ:

«Դեկտեմբերի 5-ին քերված բողոքը հետ է վերադարձվել՝ պատճառաբանությամբ, որ պակասում է ինչ-որ փաստաթուղթ. դա դրվել է, հետ է ուղարկվել. դա նոր բողոք չի եղել, դեկտեմբերի 5-ի բողոք է», - նշեց Սաֆարյանը:

Ընդդիմախոսները հակադարձում են՝ անկախ պատճառաբանություններից՝ բարձրագույն ատյանի դատավորը պարտավոր է խստագույնս հետեւել օրենքի տառին: Նրանց համոզմամբ՝ կան բոլոր հիմքերը, որ Ազգային ժողովը դիմի բարձր դատարան՝ պահանջելով դադարեցնել դատավորի գործունեությունը: Արսեն Բաբայանը պնդում է՝ եթե դատավորը զբաղվեր քաղաքացու շահերը դատարանում ներկայացնելով միայն՝ առանց ձեռնարկատիրության, ապա հարցը կարող էր փակվել միայն նկատողությամբ: Սա, սա-

կայն, այդ դեպքը չէ: «Սահմանադրական դատարանի մասին օրենքի 14-րդ հոդվածով սահմանված կարգապահական կանոնի համաձայն՝ Սահմանադրական դատարանի դատավորը պարտավոր է հանդես չգալ որպես ներկայացուցիչ կամ չտրամադրել խորհրդատվություն, այդ թվում՝ անհատույց հիմունքներով», - ասաց Բաբայանը:

Սահմանադրական դատարանը, սակայն, արդեն մեկ ամիս է՝ այս փաստերին որեւէ կերպ չի արձագանքել: Բարձրագույն ատյանից չեն մանրամասնում պատրաստվում են արդյոք քննել նորընտիր դատավորի հասցեին հնչող մեղադրանքները կամ նրա դեմ կարգապահական վարույթ նախաձեռնել: Առայժմ լուռ է նաեւ խորհրդարանը: Փաստաբանները, սակայն, պատրաստվում են հաջորդ շաբաթ այս փաստերն ուղարկել Ազգային ժողով, որն էլ ընտրել է Սաֆարյանին ՄԴ-ի դատավոր: Հիմա եթե հավաքվի 65 կողմ ձայն, խորհրդարանը կարող է դիմել Սահմանադրական դատարան լույն դատավորի պաշտոնանկության հարցը քննարկելու համար:

ՆԱԻՐԱ ՀՈՎՀԱՆՆԻՍՅԱՆ

ՕՐՎԱ ԽՃԱՆԿԱՐ ԶԵՆ ՄԱՄՆԱԿՑԵԼ ԲՎԵԱՐԿՈՒԹՅԱՆԸ

Երեկ խորհրդարանում տեղի ունեցավ Սահմանադրական դատարանի դատավոր Սեդա Սաֆարյանի լիազորությունները դադարեցնելու համար Սահմանադրական դատարանի դիմելու հարցի քվեարկությունը:

Նախագծի քվեարկությանը մասնակցել է 30 պատգամավոր, նրանցից 30-ն էլ մասնակցել է կողմ են քվեարկել նախագծին:

ArmLur.am-ը տեղեկացավ, որ ընդդիմադիր «Հայաստան» խմբակցությունից քվեարկությանը չեն մասնակցել պատգամավորներ Արթուր Խաչատրյանը, Արմեն Ռուստամյանը, Իրինա Գասպարյանն ու Արմեն Գեւորգյանը, իսկ «Պատիվ ունեմ» խմբակցությունից քվեարկությանը չի մասնակցել Թագուհի Թովմասյանը:

10 ՕՐՈՎ ԿՄԵԿՆԵՆ ԱՄՆ

Ազգային ժողովի նախագահի որոշմամբ՝ ԶՊ խմբակցության պատգամավորներ Սիսակ Գաբրիելյանն ու Վիլեն Գաբրիելյանը, «Հայաստան» խմբակցության պատգամավորներ Լիլիթ Գալստյանը եւ Զեմֆիրա Միրզոբեյանը մարտի 27-ից ապրիլի 7-ը կգործուղվեն Լիբնոլ (Ամերիկայի Միացյալ Նահանգներ):

ArmLur.am-ը տեղեկացավ, որ Հայաստանի Հանրապետության ԱԺ պատվիրակությունն ԱՄՆ-ում կմասնակցի «Օրենսդիր մարմնի դերը ԱՄՆ-ում» խորագրով «Բաց աշխարհ» ծրագրին: Պատգամավորների գործուղման հետ կապված օրապահիկի վճարումը կկատարվի Հայաստանի Հանրապետության պետությունից հաշվին, իսկ ճանապարհածախսի եւ գիշերավարձի վճարումը կկատարի իրավիրող կողմը:

ՆԱԽՈՐԳ ՏԱՐՎԱ ՀԱՇՎԵՏՎՈՒԹՅՈՒՆ

Հայաստանի Հանրապետության վարչապետ Նիկոլ Փաշինյանն այցելել է Անվտանգության խորհրդի գրասենյակ կառույցի 2022 թ. գործունեության հաշվետվությունը քննարկելու նպատակով: Խորհրդակցությանը մասնակցել են փոխվարչապետեր Սիեր Գրիգորյանը եւ Տիգրան Խաչատրյանը, վարչապետի աշխատակազմի ղեկավար Արայիկ Հարությունյանը, անվտանգության խորհրդի քարտուղար Արմեն Գրիգորյանը, պետական վերահսկողական ծառայության ղեկավար Ռոմանոս Պետրոսյանը, ԱԽ ղեկավար կազմը, պաշտոնատար այլ անձինք:

Վարչապետին զեկուցվել է Անվտանգության խորհրդի գրասենյակի կողմից 2022 թ. կատարված աշխատանքների վերաբերյալ: Քննարկվել են ընթացիկ եւ առաջիկա միջոցառումները:

ՔՐԵԱԿԱՆ ԵՆԹԱՄՇԱԿՈՒՅԹ

ՆԱԽԱՔՆՆՈՒԹՅՈՒՆՆ ԵՎԱՐՏՎԵԼ Է

Ավարտվել է քրեական ենթամակույթ կրող խմբավորմանը մասնակցելու և ներգրավելու դեղի մախաբնությունը խմբավորման 4 անդամների մասով:

ՀՀ քննչական կոմիտեի ՀԿԳ վարչության մարդկանց թրաֆիքինգի, անչափահասների սեռական անձեռնմխելիության դեմ ուղղված և թմրամիջոցների ապօրինի շրջանառության հանցագործությունների քննության վարչության աշխատակիցների կողմից իրականացված քննչական և վարույթային մեծածավալ գործողությունների, ինչպես նաև ՀՀ ԱԾ, ՀՀ դատախազության և ՀՀ ոստիկանության աշխատակիցների կողմից ձեռնարկված անհրաժեշտ միջոցառումների արդյունքում փաստական տվյալներ են ձեռք բերվել այն մասին, որ «օրենքով գողի» քրեական աստիճանակարգության բարձրագույն կարգավիճակ ունեցող Է.Ջ.-ի կողմից կատարված հստակ դերաբաշխման համաձայն՝ քրեական ենթամակույթ կրող խմբավորման անդամներ Ա.Ն.-ն, Կ.Ղ.-ն, Վ.Մ.-ն և Ա.Մ.-ն 2021թ. դեկտեմբերի 15-ից 27-ն ընկած ժամանակահատվածում ՀՀ ԱՆ տարբեր քրեակատարողական հիմնարկների դատապարտյալների համար կազմակերպված, այսպես ասած, «գրեֆի» շրջանակներում տարբեր անձանցից ստացել են մոտ 1.500 տուփ ծխախոտ, 300 տուփ թեյ և շուրջ 1.500.000 ՀՀ դրամ կանխիկ գումար: Է.Ջ.-ի ցուցումով Ա.Ն.-ն դրանք բաժանել է քրեակատարողական հիմնարկներում, հավաքագրված գումարից, այսպես կոչված, «գրեֆ» ուղարկել 350.000 ՀՀ դրամը, իսկ մնացած գումարը ծախսել իր սեփական կարիքների համար:



Ծեծի ենթարկել հնչեցրած տեսակետի համար, որից հետո Է.Ջ.-ն լուծել է վեճը: Բացի այդ, մի քանի քաղաքացիներ տարբեր չափերի պարտքով գումարի վերադարձի խնդրանքով դիմել են քրեական ենթամակույթ կրող խմբավորման անդամ Ա.Ն.-ին և Կ.Ղ.-ին: Վերջիններս, քրեական ենթամակույթ կրող խմբավորման կողմից սահմանված ու ճանաչված վարքագծի կանոններով շարժվելով, կազմակերպել են նշված գումարները վերադարձնելու գործընթացը, որոնց մի մասը, որոշ դեպքերում կեսը, յուրացվել է վերջիններիս կողմից: Բացի գումարների հետ վերադարձի կազմակերպումից, Ա.Ն.-ն իրականացրել է նաև տարբեր անձանց միջև ծագած վիճահարույց հարցերի պարզաբանումներ՝ հետեւելով, որ վերջիններս պահպանեն իրենց հասկացությամբ ճիշտ ապրելակերպի կանոնները:

2022թ. փետրվարի 7-ին Ստեփանավան քաղաքի կամրջի սկզբնամասում կենցաղային հարցի շուրջ ծագած վիճաբանության ժամանակ Նույն քաղաքի բնակիչը դանակով երկու անգամ հարվածել է վիճաբանության մասնակցին: Այնուհետև Ա.Ն.-ն և Կ.Ղ.-ն, վիճաբանող կողմերի լսելուց են քննարկումներ կատարելուց հետո հանգել են եզրակացության, որ Ստեփանավանի վերոնշյալ բնակիչը սխալ է: Պատժելու նպատակով վերջինիս կանչել են Նույն քանդառն գտնվող Նախկին հացի արտադրա-

մասի տարածք, որտեղ, որպես պատիժ, ապտակել են նրան: Քննիչի կողմից միջնորդություն է ներկայացվել հսկող դատախազին՝ քրեական ենթամակույթ կրող խմբավորման վերոնշյալ 4 անդամների նկատմամբ ՀՀ քրեական օրենսգրքի 324-րդ հոդվածի 1-ին մասով քրեական հետապնդում հարուցելու վերաբերյալ, ինչը բավարարվել է, և անձանց ներկայացվել է մեղադրանք: Նրանց նկատմամբ որպես խափանման միջոց է կիրառվել կալանավորումը: Հիշյալ 4 մեղադրյալների մասով նախաքննությունն ավարտվել է, և քրեական վարույթի նյութերը՝ մեղադրական եզրակացությամբ, ուղարկվել են հսկող դատախազին: Քննիչի միջնորդության հիման վրա՝ հանցագործի պարագլուխ՝ «օրենքով գողի» քրեական աստիճանակարգության բարձրագույն կարգավիճակ ունեցող Է.Ջ.-ի նկատմամբ ես հարուցվել է հանրային քրեական հետապնդում՝ ՀՀ քրեական օրենսգրքի 323-րդ հոդվածի 2-րդ մասի 5-րդ կետով: Նրա նկատմամբ որպես խափանման միջոց ընտրվել է կալանավորումը, և հայտարարվել հետախուզում: Է.Ջ.-ն հայտնաբերվել է Իսպանիայի Թագավորությունում և ձերբակալվել: Ձեռնարկվում են համապատասխան միջոցներ ՀՀ նրա տեղափոխումը կազմակերպելու նպատակով:

ԼՈՒՐԵՐ

ՈՂԲԵՐԳԱԿԱՆ ԱՎՏՈՎԹԱՐ

Մարտի 21-ին՝ ժամը 23:15-ին, Շիրակի մարզային ճգնաժամային կառավարման կենտրոնի ահազանգ է ստացվել, որ Գյումրի քաղաքի Հայուհու հրապարակում տեղի է ունեցել ավտոմեքլար, կա տուժած, անհրաժեշտ է փրկարարների օգնությունը: Պարզվել է, որ բախվել են Opel Astra G և Mercedes-Benz C180 մակնիշների ավտոմեքլարները: Փրկարարները հոսանքազրկել են ավտոմեքլարները, փակել զազի բալոնների փականները, Opel Astra G մակնիշի ավտոմեքլարից դուրս բերել քաղաքացիներից մեկի դին և երկու տուժածի: Տուժածներից մեկը հոսպիտալացման ճանապարհին մահացել է, իսկ մյուս տուժածը հոսպիտալացվել է Գյումրու ԲԿ, որտեղ նրա առողջական վիճակը գնահատվել է ծայրահեղ ծանր:

ՑԱՆԿԱՑԵԼ Է ՀԱՆԳԻՊԵԼ

ԱԾ «Հայաստան» խմբակցության պատգամավոր Գեղամ Մանուկյանը ցանկացել է «Երեան-Կենտրոն» քրեակատարողական հիմնարկում «ԿԳԲ-ի պարվալում» հանդիպել Արցախի ՊԲ Նախկին հրամանատար Միքայել Արզումանյանին, սակայն ստացել է մերժում: Գեղամ Մանուկյանը ArmLur.am-ի հետ զրույցում հաստատեց մեր ունեցած տեղեկությունը: Հիշեցնելով, որ, «ժողովուրդ» օրաթերթի տեղեկություններով, ՀՀ քննչական կոմիտեն 4-րդ անգամ է երկարացրել Արցախի պաշտպանության բանակի Նախկին հրամանատար Միքայել Արզումանյանի կալանքը: 2022թ.-ի սեպտեմբերի 1-ին դատախազությունը հայտարարեց, որ Արցախի պաշտպանության բանակի Նախկին հրամանատար, Արցախի Նախագահի խորհրդակցական Միքայել Արզումանյանին մեղադրանք է առաջարկվել 2020 թվականի արցախյան պատերազմի ընթացքում ռազմավարական կարեւոր նշանակություն ունեցող «Արեգ» բարձունքը և հարակից մարտական դիրքերն ազատագրած անձնակազմին «Նահանջ» հրաման տալու համար:

ՔԱՐ ՄԱՆՈՒԿՅԱՆ

ՄՊԱՏԵՂԵԿԱՏՎՈՒԹՅՈՒՆ

Ադրբեջանի պաշտպանության Նախարարությունը հերթական ապատեղեկատվություն է տարածել այն մասին, թե, իբր, հայկական կողմը՝ ռուս խաղաղապահների ուղեկցությամբ, զորք է զինամթերք է տեղափոխել Ստեփանակերտ-Ղաբալի իջեմ-Լիսազոր անտառային ճանապարհով այս մասին հայտնում է Արցախի ՆԳՆ ոստիկանությունը: «Իրականում խաղաղապահ զորակազմի ուղեկցությամբ այդ ճանապարհով տեղի է ունենում միայն քաղաքացիական անձանց և հումանիտար բեռների տեղափոխություն Արցախի բնակավայրերի միջև: Հիշեցնելով, որ Շուշիի շրջանի որոշ գյուղերի հետ մայրաքաղաքի բնականոց հարողականությունն ընդհատվել է 2022 թվականի դեկտեմբերի 12-ից՝ Ադրբեջանի կողմից Ստեփանակերտ-Գորիս միջպետական մայրուղին արգելափակելու պատճառով: Իսկ ռուս խաղաղապահները կատարել են իրենց գործառնությունը՝ ամբողջված 2020 թ. Նոյեմբերի 9-ի եռակողմ հայտարարությամբ: Հաշվի առնելով մարտի 5-ի դիվերսիոն հարձակումը Արցախի ոստիկանների վրա և առաջացած լրացուցիչ անվտանգային ռիսկերը՝ ռուսական կողմն ապահովել է քաղաքացիական անձանց ու բեռների անվտանգ տեղաշարժը»,- ասված է հարողազորության մեջ:

ԼՈՒՐԵՐ

ՎԱՐՈՐԳԸ ԶԵՐԲԱԿԱՎԵԼ Է

Մարտի լույս 21-ի գիշերը պարելային ծառայության Երեանի գնդի 4-րդ գումարտակի ոստիկանները ստուգման նպատակով կանգնեցրել են «Պորշ» մակնիշի մի մեքլար: Պարելները վարորդի սթափությունը ստուգելու նպատակով պահանջել են նրա փաստաթղթերը: 43-ամյա տղամարդը հրաժարվել է և մոտենալով պարելային ավտոմեքլարին՝ գրպակից հանել է քսանհազարանոց 3 թղթադրամ ու դրել առջեի նստեկանեղին: Պարելները նրան ձերբակալել ու տեղափոխել են ոստիկանության Արաբկիրի բաժին: Ստուգվել է վարորդի սթափությունը: Նա ոչ սթափ վիճակում էր: Դեպքի հանգամանքները նախաքննությամբ պարզվում են: Պարելային ծառայության ներդրման առաջնահերթ նպատակներից էր կորուստից ռիսկերի բացառումը: Պարելներն իրենց գործողություններով բազմիցս հավաստել են, որ հավատարիմ են այդ սկզբունքին: Վարորդներին հորդորում ենք խստորեն պահպանել ճանապարհային երթևեկության կանոնները և չդրսեւորել հակաօրինական վարքագիծ:

Բոլոր ապօրինություններին տրվելու է համարժեք իրավական գնահատական:

ՀԱՐՉԱԿՈՒՄ ՏԱՃԱՐԻ ՎՐԱ

Հայ և իույն ուղղափառ եկեղեցիների համատեղ հսկողության ներքո գտնվող Գեթսեմանիի Սուրբ Աստվածածին տաճարը հարձակման է ենթարկվել: Երուսաղեմի Հայոց Պատրիարքարանը հայտարարություն է տարածել՝ դատապարտելով տաճարի վրա կատարված հարձակումը: «Թեև Սուրբ Աստվածածին տաճարի վրա այս հարձակումն առաջինն էր այս տարվա սկզբից ի վեր, սակայն քրիստոնեական մյուս սրբավայրերն անզգամ հարձակվողների կողմից մշտապես ենթարկվում են ինչպես ֆիզիկական, այնպես էլ հոգեբանական ճնշումների: Եթե քրիստոնեական սրբավայրերի վրա կատարված նախորդ հարձակումներն արագորեն դատապարտվելիս տեղական իշխանությունների կողմից, և հանցագործները պատժվելիս օրենքի ողջ խստությամբ, քրիստոնեական համայնքների, եկե-

ղեցիների և վանքերի վրա նոր հարձակումներ չլինի: Կրոնական անհանդուրժողականությունը և աստվածամեքլարը ուղեկցությունները իրենց բոլոր դրսեւորումներով երբեք չեն ապահովելու խաղաղ համակեցության պայմաններ: Հատկապես, երբ այսօր իշխանությունների կողմից անվերահսկելի են այդ հարձակումները, դա ավելի է խթանելու աստվածամեքլարը և հանցագործությունները և անհանդուրժողականությունը: Այսպիսի գործողություններն ու դրանց անպատժելիությունը ստեղծում են անապահով պայմաններ քրիստոնեական համայնքների համար և անվստահության սերմեր են ցանում հավատացյալների, զբոսաշրջիկների և բնակիչների միջև տեղական իշխանությունների հանդեպ: Հետեաբար, Իսրայելի կառավարությանը և ոստիկանության կոչ ենք անում, որպեսզի լուրջ միջոցներ ձեռնարկեն՝ կանխելու այսօրինակ հարձակումները և պաշտպանելու ինչպես քրիստոնեական սրբավայրերը, այնպես էլ նրանց ամենօրյա սպասավորների հետագա ունձագություններից և հարձակումներից»,- ասված է Պատրիարքարանի տարածած հայտարարության մեջ:

● Ըստ ոստիկանության տվյալների՝ մարտի 21-ից 22-ը Հայաստանի Հանրապետությունում բացահայտվել է հանցագործության 48 դեպք, որոնցից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՄԵՂԱԳՐՈՒՄ Է ԵՐԱԽՏԱՄՈՌՈՒԹՅԱՆ ՀԱՄԱՐ

Նախկինում հայտնել եմ, որ շուրջ երկու տարի ծագումով Աֆրիկայից, Կոտ դ'Իվուարից Յառ Սիլվիոն Տավուշի մարզի Դիլիջան համայնքի Թեղուտ գյուղի տղաներին ֆուտբոլ խաղալ է սովորեցնում: Սիլվիոն իր սաներից յուրաքանչյուրից ամսական 3 հազարական դրամ վարձ է վերցնում, հավաքված գումարը ծախսվում է Թեղուտ գյուղում աֆրիկացի մարզի վարձակալած բնակարանի վարձավճարի եւ կոմունալ ծախսերը հոգալու համար: Սիլվիոն Թեղուտ է տեղափոխվել Դիլիջան քաղաքից, նա՝ որպես ֆուտբոլիստ, հանդես է եկել Երեւանի «Ալաշկերտ» ֆուտբոլային թիմի, Վանաձորի «Լոռի»-ի կազմում: Սիլվիոյի մեծ ցանկությունն է Թեղուտ գյուղում ունենալ ֆուտբոլի մեծ, իսկական խաղադաշտ, քանի որ այն խաղադաշտը, որտեղ աֆրիկացի մարզիչը պարապում է թվով շուրջ քսան թեղուտցի տղաների հետ, փոքր է, չի համապատասխանում ֆուտբոլի խաղադաշտի չափանիշներին: Ֆեյսբուքում գումարների հանգանակություն է սկսվել աֆրիկացի մարզի մասկապատանեկան թիմին մարզական գույքով օգնելու համար: Սիլվիոյի մասին իմ հրապարակումից հետո լրագրողիս գանգահարեց Հայաստանի ֆուտբոլի ֆեդերացիայի Տավուշի մարզի ներկայացուցիչ Արմեն Խաչատրյանը եւ հայտնեց, որ ՀՀ-ն Թեղուտ գյուղում գործող, Սիլվիոյի ղեկավարած ֆուտբոլի մասկապատանեկան թիմին մարզական գույքով օգնել է մարզումների համար անհրաժեշտ մարզական պարագաներով, Սիլվիոյին մարզահագուստ է նվիրել: ՀՀ ներկայացուցիչն ասաց, որ Սիլվիոն իր թիմի մարզումներն անցկացնում է արհեստական խոտածածկով Թեղուտի խաղադաշտում, որը կառուցել է ՀՀ-ն, առաջնությանը մասնակցելու համար Թեղուտի խաղադաշտը փոքր է, իրենք են հոգացել, որ Թեղուտի 12 տարեկանների թիմը խաղա Իջեան քաղաքի թիվ 3 դպրոցի, Գետահովիտ եւ Աջաջուր գյուղերի խաղադաշտերում: Արմեն Խաչատրյանին ասացի, որ ՀՀ-ն ՖԻՖԱ-ից, ՌԻՖԱ-ից, Հայաստանի պետական բյուջեից մեծ գումարներ է ստանում, ֆեդերացիան ինչու՞ Յառ Սիլվիոյին մասկապատանեկան թիմի մարզիչ աշխատելու համար չի վճարում: Ա. Խաչատրյանը հայտնեց, որ Տավուշի մարզում բազում մարզիչներ կան, որոնք տարիներ շարունակ ֆուտբոլ են պարապում երեխաների հետ, սակայն ՀՀ-ից աշխատավարձ չեն ստանում: Սիլվիոն չէր կարող բացառություն լինել եւ ՀՀ-ից աշխատավարձ ստանալ: ՀՀ-ի ներկայացուցիչը աֆրիկացի մարզիչին մեղադրեց երախտամոռության համար: Թեղուտ գյուղի բնակիչները հայտնեցին, որ Յառ Սիլվիոն բարի եւ ազնիվ մարդ է, նա մեծ գործ է կատարում, որի արդյունքները կերեւան տարիներ հետո:

ԱՆՈՐՈՇ ՊԱՏԱՄԻՆ

Տավուշի մարզպետարան «Ժողովուրդ» օրաթերթը հարցում է ուղարկել, թե 2020թ.-ի աշնանը Արցախում տեղի ունեցած պատերազմում Տավուշի մարզի քանի բնակիչ է զոհվել, քանիսն է անհետ կորած, քանիսը՝ գերի: Տավուշի մարզպետարանից ստացված պատասխանում նշված է. «Ձոհված եւ զոհվելու վայրն անհայտ համարվող զինվորականների թիվը կարող է տրամադրել միայն ՀՀ պաշտպանության նախարարությունը»:

ՈՍԿԱՆ ՄԱՐԳԱՅԱՆ Տավուշ

ՀԱՆԴԻՊՈՒՄ

ՈՐՈՇ ԳՊՐՈՑՆԵՐՈՒՄ ՎՐԱՑԵՐԵՆ Է ԴԱՄԱՎԱՆԻՎՈՒՄ

ՀՀ կրթության, գիտության, մշակույթի եւ սպորտի նախարար Ժաննա Մնդրեասյանն ընդունել է Հայաստանում Վրաստանի արտակարգ եւ լիազոր դեսպան Գիորգի Շարվաչիձեին եւ նրան ներկայացրել վերջերս Վրաստան կատարած դաշնակցական այցի մանրամասները:

ԿԳՄՍ նախարարը շնորհավորել է դեսպանին նշանակման կապակցությամբ եւ արդյունավետ աշխատանք մաղթել՝ ի շահ հայ-վրացական բարեկամական կապերի զարգացման՝ համոզմունք հայտնելով, որ նա իր ներդրումը կունենա երկու երկրների միջեւ հարաբերությունների առավել ամրապնդման եւ խորացման գործում:

«Շատ արդյունավետ այց էր, որի շրջանակում հնարավորություն ունեցանք քննարկելու համագործակցության հեռանկարները ինչպես կրթության, գիտության, այնպես էլ մշակույթի ոլորտներում: Մի շարք նոր պայմանավորվածություններ ձեռք բերվեցին, եւ նոր հուշագրեր ստորագրվեցին, որոնք, վստահ եմ, նպաստելու են բոլոր ուղղություններով մեր համագործակցության ընդլայնմանն ու խորացմանը»:

ԿԳՄՍ նախարարը տեղեկացրել է, որ այժմ քննարկվում է մշակույթի օրեր կազմակերպելու ծրագիրը, որի շրջանակում մի շարք հետաքրքիր նախաձեռնություններ են նախատեսվում: Մասնավորապես, քննարկվում է Թբիլիսիի Պետրոս Ադամյանի անվան հայկական թատրոնի վերակառուցված շենքի բացման արարողությունը մշակույթի օրերի շրջանակում կազմակերպելու հնարավորությունը:

Դեսպան Գիորգի Շարվաչիձեն շնորհակալություն է հայտնել ընդունելության համար եւ ընդգծել՝ հայկական կողմի հետ համագործակցության ամրապնդումն ու զարգացումն իրենց համար մեծ կարեւորություն ունեն: Գիորգի Շարվաչիձեն հույս է հայտնել՝ իր գործունեությամբ կկարողանա նպաստել երկու երկրների երիտասարդների միջեւ ավելի սերտ կապերի ձեւավորմանը եւ փոխճանաչման մակարդակի բարձրացմանը:



Դեսպանը կարեւորել է մշակույթի օրերի անցկացումը՝ ընդգծելով, որ համագործակցության հեռանկարներ է տեսնում նաեւ բարձրագույն կրթության ոլորտում:

«Գիտեմ, որ կրթական բարեփոխումների ակտիվ փուլում եք եւ աշխատանքներ եք տանում նաեւ բուհերի միջազգայնացման ուղղությամբ: Սա շատ ողջունելի է, եւ կարծում եմ՝ ընդլայնում է այս ուղղությամբ համագործակցության հնարավորությունները»,- նշել է ՀՀ-ում Վրաստանի արտակարգ եւ լիազոր դեսպանը:

Ժաննա Մնդրեասյանը, կարեւորելով երկու երկրների տարբեր ուսումնական հաստատությունների միջեւ համագործակցության խորացումը, տեղեկացրել է՝ Վրաստան կատարած այցի շրջանակում համագործակցության երկու հուշագրեր են կնքվել հայկական եւ վրացական երկու դպրոցների եւ երկու բուհերի միջեւ:

Կողմերն անդրադարձել են նաեւ տարածաշրջանային լեզուների ուսուցման ծրագրին եւ, այս համատեքստում, Հայաստանում վրացերենի՝ որպես երրորդ օտար լեզվի ուսուցմանը:

Ժաննա Մնդրեասյանը նշել է, որ նախորդ տարվա սեպտեմբերից հայաստանյան մի քանի դպրոցներում վրացերեն է դասավանդվում, որը երկկողմ համագործակցության նոր հնարավորություններ է համատեղ ծրագրեր է ենթադրում: Անդրադառնալով երիտասարդների միջեւ կապերի ամրապնդմանը՝ ԿԳՄՍ նախարարը կարեւորել է երիտասարդական ֆորումների եւ ճամբարների անցկացումը:

Կողմերը քննարկել են նաեւ երկկողմ հետաքրքրություն ներկայացնող այլ հարցեր եւ պատրաստակամություն հայտնել զարգացնելու կրթության, գիտության, մշակույթի, սպորտի եւ երիտասարդության ոլորտներում համագործակցությունը:

ՀԱՅՏԱԴԻՄՈՒՄ

ԱՊՕՐԻՆԻ ԾԱԳՈՒՄ ՈՒՆԵՑՈՂ ԳՈՒՅՔ

Այսօրից ծագում ունեցող գույքի բռնագանձման վերաբերյալ եւս երկու հայցադիմում ընդունվել է Հակակոռուպցիոն դասակարգի վարչապ. սեղեկացնում են ՀՀ զլխավոր դասախազությունից:

Մեկ հայցադիմումով՝ Գլխավոր դատախազության ապօրինի ծագում ունեցող գույքի բռնագանձման գործերով վարչությունը պահանջ է ներկայացրել դատարանին Երեւան քաղաքի Էրեբունի վարչական շրջանի Նախկին ղեկավար Ա.Բ.-ից հոգուտ Հայաստանի Հանրապետության բռնագանձել՝

- Կոտայքի մարզի Ծաղկաձոր քաղաքի Տանձարբյուրի փողոցի քրթեքը, իսկ անհնարինության դեպքում՝ միջին շուկայական արժեքը՝ 73 մլն 950 հազար դրամ,
- Երեւանի Նորք-Մարաշ վարչական շրջանի Ամառանոցային փողոցում գտնվող անշարժ գույքը, իսկ անհնարինության դեպքում՝ միջին շուկայական արժեքը՝ 90 մլն 950 հազար դրամ,
- Երեւանի Շենգավիթ վարչական շրջանի Արտաշիսյան փողոցում գտնվող անշարժ գույքը, իսկ անհնարինության դեպքում՝ միջին շուկայական արժեքը՝ 10 մլն 900 հազար դրամ,
- Երեւանի Շենգավիթ վարչական շրջանի Արտաշիսյան փողոցում գտնվող

Մյուս հայցադիմումով Գլխավոր դատախազության ապօրինի ծագում ունեցող գույքի բռնագանձման գործերով վարչությունը պահանջ է ներկայացրել դատարանին «ԱԼԶ» ՍՊ ընկերության տնօրեն Ա.Բ.-ից հոգուտ Հայաստանի Հանրապետության բռնագանձել՝

- Կոտայքի մարզի Ծաղկաձոր քաղաքի Տանձարբյուրի փողոցի քրթեքը, իսկ անհնարինության դեպքում՝ միջին շուկայական արժեքը՝ 73 մլն 950 հազար դրամ,
- Երեւանի Նորք-Մարաշ վարչական շրջանի Ամառանոցային փողոցում գտնվող անշարժ գույքը, իսկ անհնարինության դեպքում՝ միջին շուկայական արժեքը՝ 90 մլն 950 հազար դրամ,
- Երեւանի Շենգավիթ վարչական շրջանի Արտաշիսյան փողոցում գտնվող անշարժ գույքը, իսկ անհնարինության դեպքում՝ միջին շուկայական արժեքը՝ 10 մլն 900 հազար դրամ,
- Երեւանի Շենգավիթ վարչական շրջանի Արտաշիսյան փողոցում գտնվող

մեկ այլ անշարժ գույքը, իսկ անհնարինության դեպքում՝ միջին շուկայական արժեքը՝ 13 մլն 665 հազար դրամ,

- TOYOTA CAMRY 2.5 GAS մակնիշի տրանսպորտային միջոցը, իսկ անհնարինության դեպքում՝ միջին շուկայական արժեքը՝ 6 մլն 500 հազար դրամ,
- PORSCHE CAYENNE S 4.8 մակնիշի տրանսպորտային միջոցը,
- «ԱԼԶ» ՍՊ ընկերության 100 տոկոս մասնակցությունը,
- «ԵՎՐՈՒԹԵՔՆՈԼՈՂԻ» ՍՊ ընկերության 100 տոկոս մասնակցությունը,
- 61 մլն 650 հազար 164 դրամը՝ որպես ապօրինի դրամական միջոցների մագորդ,
- 2 մլն 319 հազար 095 դրամի չափով գումարը, որը չի հիմնավորվում անձի օրինական եկամուտներով, ունի ապօրինի ծագում, փոխանցվել է բարեխիղճ ձեռքբերողի, կամ հնարավոր չէ նույնականացնել եւ բռնագանձել:

● Անցած 1 օրվա ընթացքում Հայաստանի Հանրապետությունում արձանագրվել է 9 ՃՏՊ. 3 մարդ զոհվել է, 8-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀՐԱՊԱՐԱԿԱՅԻՆ ԾԱՆՈՒՅՈՒՄ

ԱՃՈՐՂԻ ԳՅՈՒՆՈՒԹՅՈՒՆ
«Բի Էս Թի» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում իրականացնելու է «Կոնվերս Բանկ» ՓԲԸ-ի (այսուհետ՝ Բանկ) կողմից ներկայացված հետեյալ լոտի գնման իրավունքի բաց աճուրդ համապատասխան փուլերով՝ «դասական» (գնի բարձրագույնը), այսուհետև՝ «հոլանդական» (գնի նվազագույնը) եղանակներով:

ՀՀ, ք. Երեւան, Կենտրոն համայնք, Ե. Չարենցի փողոց, 70/8 շենք, 75 հասցեում գտնվող 538,5 ք.մ. մակերեսով հասարակական տարածք (գրանցման օբյեկտը կառուցվող շինության նկատմամբ կառուցապատողի իրավունքներն են, ավարտվածության աստիճանը 50-80%) եւ 0.0926 հա մակերեսով (ընդհանուր բաժնային սեփականություն) հողամաս: Լոտի մեկնարկային գինը՝ 380000000 ՀՀ դրամ:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 10.04.2023թ.-ին, ժ. 12:00-ին, այսուհետև 11 աշխատանքային օր, Լոյն ժամին՝ դասական եղանակով: Դասական փուլերում չվաճառված գույքը սակարկվում է հոլանդական եղանակով՝ մեկնարկային գների իջեցումով յուրաքանչյուր հաջորդ փուլին, բայց ոչ պակաս Բանկի կողմից ներկայացված հատման գնից: Աճուրդի ավարտը՝ 29.12.2023թ.: Աճուրդի մասնակցության նախաձեռնարկ սահմանված է գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախաձեռնարկ վճարվում է «Բի Էս Թի» ՍՊԸ -ի դրամարկղում աճուրդի կայացման հասցեում, ՀՀ օրենսդրությամբ սահմանված կանխիկի շեմը չգերազանցելու դեպքում, կամ բանկային հաշվին («Արդշինբանկ» ՓԲԸ-ում՝ 2470103374150000 հաշվառմամբ), կամ կազմակերպիչի կողմից տրված այլ հաշվառմամբ: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպիչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախաձեռնարկ մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախաձեռնարկ վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախաձեռնարկ ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նախաձեռնարկը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախաձեռնարկը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակիցների կորուստների եւ վնասների համար բանկը որեւէ պատասխանատվություն չի կրում:

Լոտն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտը, յուրաքանչյուր աշխատանքային օր, ժ. 10:00-ից մինչեւ 18:00-ն, այցելել վերը նշված հասցեով եւ ծանուցանալ լոտի հետ՝ այցելությունը նախապես համաձայնեցնելով Կազմակերպիչի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է Բանկի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդների ացնկացման կանոնակարգին կարող եք ծանոթանալ եւ անվճար ստանալ կանոնակարգի պատճենը, դիմելով Կազմակերպիչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող եք գանգահարել (011) 56-45-13 հեռախոսահամարով կամ այցելել www.ilcbst.am, www.borsa.am կայքերը:

ՆԱԽԱԴՊՐՈՑԱԿԱՆ ՀԱՍՏԱՏՈՒԹՅՈՒՆ

ԱՆՄՆՈՒՆ ԳՆԱՐԱՏՄԱՆ ՀԱՐՑԱԹԵՐԹԻԿ ԿԼԻՄԱՅՎԻ

ՀՀ կրթության, գիտության, մշակույթի եւ սպորտի նախարարի N 243-Ս հրամանով հաստատվել է նախադպրոցական ուսումնական հաստատության մանկավարժական աշխատողի որակավորման ստրատեգիական ծրագրի ընդհանուր համար ծնողների կողմից լրացվող անամուն գնահատման հարցաթերթիկը:



Անանուն հարցաթերթիկները կազմված են բնութագրական հարցերից, որոնց միջոցով ծնողները գնահատում են մանկավարժական աշխատողին՝ բացահայտելով, թե նրանք որքանով են ճանաչում սաների կարիքները եւ որքան սերտ են համագործակցում ընտանիքների հետ եւ այլն:

Նշենք, որ նախադպրոցական հաստատության մանկավարժական աշխատողի շնորհման համար ծնողի կողմից լրացվող անանուն հարցաթերթիկը ՀՀ ԿԳՄՍ նախարարի 2023 թ. մարտի 23-ի 16-Ն հրամանով սահմանված 9 բնութագրիչներից մեկն է:

Ընդհանուր առմամբ սահմանված են հետեյալ բնութագրիչները՝

- 1) զբաղեցրած պաշտոնին համապատասխան մասնագիտական բարձրագույն կրթությունը,
- 2) Կրթության, գիտության, մշակույթի եւ սպորտի նախարարության կողմից երաշխավորված՝ նախադպրոցական կրթության բնագավառում ղեկավար կամ մանկավարժական աշխատողներին վերապատրաստող կազմակերպությունում որպես վերապատրաստող մասնագետ ներգրավված լինելը,
- 3) վերջին ինը տարվա ընթացքում նախարարության կողմից երաշխավորված՝ նախադպրոցական կրթությանն առնչվող ուսումնական, ուսումնամեթոդական ձեռնարկի կամ ուսումնաօժանդակ կրթիչի հեղինակ կամ համահեղինակ լինելը,
- 4) վերջին երեք տարվա ընթացքում Կրթության տեսչական մարմնի ստուգումների կամ արտաքին գնահատման արդյունքում ցուցանիշներ ունենալը,
- 5) վերջին երեք տարվա ընթացքում «Տարվա լավագույնները» մրցույթի անվանակարգերից մեկում հաղթող ճանաչված լինելը,
- 6) սաների կարիքների ճանաչում, ընտանիքի հետ համագործակցություն՝

անանուն հարցաթերթիկների միջոցով ծնողների կողմից մանկավարժական աշխատողի գնահատման արդյունքները,

7) տարակարգի համար դիմելու նախորդ ամսվա ընթացքում կազմված ուսումնադաստիարակչական աշխատանքների պլանավորումը (ներառյալ պարամունքների պլանները) (պարամունքների պլանների պահանջը մեթոդիստի դեպքում կիրառելի չէ),

8) տարակարգի համար դիմելու նախորդ վեց ամսվա ընթացքում իր մոտ կատարված պարամունքների լսումների եւ տարբեր ռեժիմային պահերի դիտումների արձանագրությունները, դիդակտիկական տարբեր նպատակներով իրականացված երկու պարամունքի տեսագրություն,

9) ներառականությունն ու մասնակցայնությունն ապահովող կարողություններ՝

մշակված անհատական ուսուցման եւ զարգացման պլանի ներկայացում, կրթության եւ զարգացման առանձնահատուկ պայմանների կարիք ունեցող սաների կրթության եւ զարգացման արդյունավետության մասին վկայող փաստեր՝ ԿԶԱՊԿ գնահատման արդյունքի փոփոխություն (առկայության դեպքում) եւ (կամ) սաների զարգացման եւ կրթության արդյունքի գնահատման ընթացքը հավաստող փաստաթղթեր՝ ըստ եռամսյակների կամ կիսամյակի:

Առաջին աստիճանի տարակարգ շնորհվում է վերը նշված բնութագրիչներից առնվազն 3-ն ապահովելու դեպքում, երկրորդ եւ երրորդ աստիճանի տարակարգ շնորհվում է համապատասխանաբար սահմանված բնութագրիչներից առնվազն 5-ը եւ առնվազն 7-ն ապահովելու դեպքում:

ՀԱՅՏԱՐԱՐՈՒԹՅՈՒՆ

ՏԵՐՈՎԻՆ ՏԵՐՆ Է ՏԱՐԵԼ, ԱՆՏԵՐԻՆ՝ ԳԵՂԸ

«Միացյալ Հայասան» կուսակցության հիմնադիր-նախագահ Երվանդ Թարվերդյանը հայտարարություն է արձակել. «Օրեր առաջ ՀՀ եւ ՌԳ ԱԳ նախարարների համաձայն մամուլի ասուլիսում Մեզեյ Լավրովի խոսքում մի բարձրագույն դրոյթներ կային: Մասնավորապես, Արցախի ժողովրդի ինֆորմացիոն իրավունքի անհետումը ո՛չ մեք իշխանությունների, ո՛չ էլ դաշնակից երկրի վարչակազմի կողմից որեւէ արդարացու չունի:

Ժողովուրդների ինքնորոշման իրավունքի անբեկանելիության մասին: Իր հերթին, հավաքական Արեւմուտքի համար ինքնորոշման իրավունքի հիմնարար օրինակը Կոստվոն է՝ ի հակադրություն Սերբիայի տարածքային ամբողջականության սկզբունքի:

Այդ դեպքում ինչո՞վ է Արցախի եւ արցախցիների իրավունքը զիջում վերոնշյալ էթնոքաղաքական հակամարտություններին: Ոչնչով. դեռ ավելին՝ Արցախում այսօր նոր ցեղասպանության վտանգը շատ ավելի ակնառու է, քան վերոբերյալ օջախներից որեւէ մեկում:

Ալիեւի վերջին սպառնալից հայտարարությունները զավթված Թալիշից (եթե ուզում ենք ապրել 29 հազար քառակուսի կիլոմետրի վրա, պետք է Արցախը ճանաչենք որպես Ադրբեյջանի մաս) պիտի սթափեցնի աշխարհասփյուռը հայու-

թյանը եւ նախեւառաջ ՀՀ բնակչությանը: Արցախի օտարմամբ ադրբեյջանական զավթիչների ախորժակը միայն մեծանալու է: Նրանք արդեն պաշտոնական հավակնություններ են ներկայացնում ՀՀ Սյունիքի եւ Վայոց ձորի մարզերի նկատմամբ:

Ընդ որում սկզբնապես փորձելու են այսպես կոչված փախստականներին բերել-բնակեցնել ՀՀ հարավային մարզերում, ապա աստիճանաբար զավթելու են Նորանոր հողակտորներ, գյուղեր, շենքեր, համայնքներ ու քաղաքներ: Պետք է կասեցնել այս գահավեժ ընթացքը եւ ամեն կերպ նեղել լինել մեր պատվարը դարձած, ավելի քան 100 օր շրջափակման մեջ գտնվող արցախցի քույրերին ու եղբայրներին:

Եթե ընկնի Արցախը, չի լինի նաեւ Հայաստան»:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:



Էջը՝ ՈՂՋԱ ՊՈՂՈՍՅԱՆԻ

ՍՈՑՓԱԹԵԹ

ՀԱՐՑ. Սոցիալական փաթեթից օգտվող կարո՞ղ է փոխել սոցիալական փաթեթի հաշիվը: Վահե Գալստյան (51 տարեկան)



ՊԱՏԱՍԽԱՆ. Քաղաքացու հարցին ի պատասխան՝ հայտնում ենք, որ յուրաքանչյուր բյուջետային տարվա սոցիալական փաթեթի գումարների փոխանցման համար լրացվում է նոր դիմում:

Սոցիալաթեթի հաշիվը կարելի է փոխել միայն նոր բյուջետային տարում՝ նախքան սոցիալական փաթեթի ընթացիկ տարվա առաջին գումարի փոխանցումը: Այս դեպքում աշխատողը դիմումի հետ միասին ներկայացնում է նոր բանկի կողմից տրված սոցիալաթեթի հաշվի մասին տեղեկանք, ինչպես նաև սոցիալաթեթի նախկին հաշիվը սպասարկող բանկից տեղեկանք՝ պարտավորություններ չունենալու վերաբերյալ:

Սոցիալաթեթի հաշիվը փոխելու դեպքում աշխատողն իր հաշվի դրամական միջոցները սոցիալաթեթի հաշիվը սպասարկող նախկին բանկից սոցիալաթեթի հաշիվը սպասարկող նոր բանկ փոխանցելու համար նախկին բանկ է ներկայացնում նոր բանկի կողմից տրված սոցիալաթեթի հաշվի մասին տեղեկանք:

Այդ տեղեկանքի հիման վրա՝ սոցիալաթեթի հաշիվը սպասարկող նախկին բանկն աշխատողի սոցիալաթեթի հաշվում առկա դրամական միջոցները փոխանցում է սոցիալաթեթի հաշիվը սպասարկող նոր բանկի սոցիալաթեթի հաշվին:

ՀՀ աշխատանքի և սոցիալական հարցերի նախարարություն

«ԺՈՂՈՎՈՒՐԳ». Սոցիալական փաթեթի հաշվում առկա դրամական միջոցները հնարավոր է կանխիկացնել կամ փոխանցել ցանկացած ուղղություններով միայն աշխատողի՝ կենսաթոշակ ստանալու իրավունք ունենալու և սոցիալական փաթեթից օգտվելու իրավունքի դադարեցման ժամանակ (երբ դադարում է նրա՝ սոցիալական փաթեթ ստանալու իրավունքը, եւ նրա սոցիալաթեթի հաշվին առկա գումարները սոցիալական փաթեթի գումարների փոխանցումներ չեն կատարվել) կամ աշխատողի մահվան դեպքում ժառանգի կողմից սոցիալաթեթի հաշվում առկա միջոցներն օրենքին համապատասխան ժառանգաբար նրան անցնելու դեպքում:

ՓԱՍՏԱԹՂԹԵՐ

ՀԱՐՑ. Որտեղի՞ց դեֆ է ձեռք բերել դեղերի դրո՞ւմավորման համար անհրաժեշտ դրո՞ւմադիսակներ: Մելինե Խաչատրյան (35 տարեկան)



ՊԱՏԱՍԽԱՆ. Տեղեկացնում ենք, որ ըստ «Առևտրի և ծառայությունների մասին» Հայաստանի Հանրապետության օրենքի հոդված 9.3-ի 1-ին կետի՝ պարտադիր դրոշմավորման ենթակա ապրանքներ Հայաստանի Հանրապետության տարածքում արտադրող և ԵՏՍ երկրներից Հայաստանի Հանրապետության տարածք ներմուծող անձինք մինչև այդ ապրանքների օտարումը դրոշմապիտակները ձեռք են բերում իրենց հաշվառման հարկային տեսչությունից:

Հայաստանի Հանրապետության տարածք պարտադիր դրոշմավորման ենթակա ապրանքներ ներմուծող անձինք (բացառությամբ ԵՏՍ երկրներից ներմուծողների) դրոշմապիտակները ձեռք են բերում իրենց հաշվառման մաքսատնից մինչև այդ ապրանքների օտարումը:

ՀՀ պետական եկամուտների կոմիտե

«ԺՈՂՈՎՈՒՐԳ». Նշենք, որ ըստ «Առևտրի և ծառայությունների մասին» օրենքի հոդված 9.1-ի 1-ին կետի՝ եթե Նշված հոդվածով այլ բան սահմանված չէ, դրոշմապիտակներով պարտադիր դրոշմավորման ենթակա են Հայաստանի Հանրապետության տարածքում օտարման ենթակա, օրենքի 9.2-րդ հոդվածում նշված ապրանքները:

ԼՈՒՐ ԿԱԴՐ

Լուսանկարն արվել է Երեւանում



Արմյան 22 հասցեի՝ տուֆից շենքի վրա ամրակներով գովազդային վահանակ են տեղադրում, ավերում են ամենահին շենքերից մեկի պատը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

Subscription form with fields for name, address, phone, and a checkbox for home delivery. Includes contact information: (060) 490049, 0023, Արշակունյաց 2, 5-րդ հարկ, 518ս.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող եք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Արմյան 22՝/3, հեռ՝ 010 54-64-23 Պետական գրանցման վկայականի համարը՝ 03U089086 տրված է 24.11.2010 Ստորագրված է տպագրության 22.03.2023

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: